

第八編
雜記

第八編
目錄

軼聞
異聞
災異

軼聞

唐陸禹臣字復林河南人避黃巢亂隱居東岳遇道士軒轅彌明授以仙術謂之曰子得道當在窮水絕山處乃跋涉至宜山寓北山隨至邑之修煉山修煉不復出後屍解去嘗手植異桃靈藥歷久不變山上有岩岩中有水色紺碧味甘冽卽陸仙翁修煉處修煉山因此得名（見舊存抄本志稿）

鰲山道人宋明道中嘗州學士人叱之道人曰莫欺閒客也會詩有士人授以紙筆立卽吟曰家住鰲山第一山偶然蹤跡到塵寰不妨名利場中臥忙者仍忙閒者閒（見舊存抄本志稿）

韋輔臣名莫弼清代附生年已六旬龍鍾老邁因乏嗣娶一少婦爲妾妾嫌先生老尋隨惡少逸去未幾婦忽飄然至托鄰嫗向先生陳情求爲覆水之收先生意未決也時先生設帳上北適出一對日月照人間圓復缺門人某對曰水流山外濁難清先生笑曰可兒可兒因卒不收婦婦遂巡自去

莫芝闌中區唐賓人清嘉慶間增生偕夫人羅氏年各九十雙壽齊眉可稱地方人瑞李恆芳清嘉慶間增生中區陳茶村人中年因妻妾不睦終日勃谿遂感消極遁入空門嘗雲游至四川峨眉山受戒後歸柳州立魚岩修煉其母臨終時忽飄然遠至寓景德寺臨喪焉葬後復欲去某日晚友人劉發等詣寺勸留與偕宿焉晨起失其所在但見壁上書一大心字墨瀋猶未乾也因知其復去之志堅決無可挽回處士乃於原書心字下感題一絕云玩字關心十九年可憐人去此心懸凡心羨爾偏能了幾憶心言只問天莫可量中區塘母人性剛直素祛迷信村人有大田一塊當水衝歷年不豐傳田內有土地神每年必須具鷄酒以祀之已而村人鬻此田衆畏神莫肯受因以廉價購之乃修水道加糞灰且不具祀儀其年田禾倍收人異之量笑曰吾聞神道喜清潔而惡污穢洒滿田牛糞神益他徙矣語屬詼諧亦可發人深省

覃錫忠中公區石胡村人性情曠達不信堪輿一日有友人譚某素習青囊術踵公門坐甫定遽曰吾適過村前見山後一吉穴狀元地也君其速偕吾往覩吾爲君扞此吉穴更加以吉課十年可發也時公方折薪欲爲具饌漫應之某屢促不已公厭甚徐曰請少安母躁俟

拙荆田歸當偕君往友愕然叩其故公曰吉地固佳吾滋不怡嘗聞人言文官不能帶父武官不能帶母吾止一子設點狀元去必奉母之官留吾一人家居枯寂甚矣惟其母定然歡喜故須渠自主張耳友覺無趣匆匆出門去滑稽調侃之詞饒有妙雋淵深意味公之善於詞令可見一斑

韋上寬字正中中區陳雙人家徒四壁通堪輿星士之學最恨貧官污吏尤嗜八股文章應童試至古稀尚不見售妻孥已空愈篤八股逢人多八股是談有戲之者曰君之文章非翰林院所知若逢狀元則君入泮矣先生曰是也有嘲之者曰君如遊洋則吾婦人盡得之先生大怒由是望狀元以試童軍如農人之望歲清光緒廿年粵西學政果爲黔之趙狀元以炯先生已杖朝謂必發軔及試期趙學政見先生鬚髮雪白細詢平居先生歷敘苦况憤然曰吾望狀元久矣趙學政果以府學屬先生某廩生賀先生聯曰早知文價無憑數旬年筆落孫山刻鵠轉爲類鶩手漫說若翁太戇八十歲身遊泮水門生原屬元狀郎先生回鄉寄嘲之者之言曰狀元取我文章矣汝婦人安在其人大慚有志者事竟成先生所以見賞於趙狀元也

賈經邑附生未採芹時每夜研書心悶輒睡其妻韋氏婉勸無效因曰君虛耗燈油寧爲我抱兒使我作工可乎經曰此卷最好我何可拋有一夜經手方執一卷卽游黑酣鄉其妻將其書付與其兒兒無知逐篇扯碎經醒覺痛責其妻其妻曰我每辛勞操作欲誘兒睡而不得見君一執卷而眠因以付兒良望兒得之而睡使我工作無碍豈無補於君燈油之資乎經知其妻借題規諫由是加奮旋入泮回家謝其妻曰我得微名皆卿諷諫之力也後經食餼文學淹博斯不亦內助之賢者乎

劉綦綽號降邑處士也清道光時人學富而性傲歷試不書題目場規故嚴用皆不第人故以降名之寒酸無聊而詩才超脫昔有李僧四川人雲遊至後區之柏子菴修戒圓寂而屍不腐其徒請諸地方捐金立龕以安其肉體朝夕奉祀僧旋受封爲活佛而香煙愈盛由是城外觀音寺亦塑活佛以便供奉一日文士羣集吟題無算咸自謂不得意羣因請處士吟題時適處士看鴨寺鄰田野一手執杖一手執書長衫草履儀態蕭逸因口占一絕曰不生不死千年體非鬼非人一老僧羣佩服其雅切遂刊爲聯奉活佛云

異聞

莫大用清初時人有神力以一人之力自砌一水壩以灌其田村人莫之助大用灌田水足即將巨石橫塞壩口水不能流以致壩下之村人田畝悉乏水村人怒協訟之官票差傳差人至橫索酒肉大用於牛欄下縛一中等牯牛兩手舉之獻諸差人謂汝欲食肉可自宰此差人驚駭不敢索食諭之詣案而已比見官官廉其情用好言勸諭令移塞壩口巨石俾餘水與村眾灌田今壩旁有巨石長二丈寬厚皆三尺相傳即當日塞壩口之石羣稱為莫大用鍬盤其壩歷今已三百年毫無損壞果皆用數千斤巨石砌成壩屬前區重樓村

貴敢甲禮峒有一女子姓莫名卜秋年已念餘身高不及二尺現亦無問名者

莫老煖敢談村人年三十餘自幼即生泡頸碩大無朋民十四年本地米貴老煖無米度日入山採樹皮草根爲食數日以後入夜睡去次晨其泡頸完全自消村人異之凡有泡頸者爭效其所採之物以服食然皆無效不知老煖所採食物中竟藏有何種愈泡頸之藥殊堪研究

禮藍峒有壑寬七尺長五尺爲長圓形每逢夏時天將下雨其水面即現出一片紅色蓋滿壑口已而漸縮漸小如盤如碗之時則大雨立至

安順豆峒下首有壑名喊泉人到壑邊大喊一聲給我些水呀壑水即湧出供人隨意使用民初有人欲令水自然湧出以免一喊之勞用鑿鑿之竟無一滴喊亦不應村人共罵此入具牲禱祝嗣後此壑每日只流出三次至今猶然

古舊村頭有竹一叢約二白餘株其榮枯與他處竹相反他叢蒼茂則此叢黃落他叢黃落則此叢蒼茂不以天時限也

中屯村有一種晴雨菌生於村邊園邊其色烏黑形圓頂尖大可五六寸高亦如之此菌生時越五六日而萎萎後則大雨隨至村人恆視之爲雨候之表

尹氏仙娘爲本地最崇拜之女神無論農工商賈（甚至士人）老幼男女一舉一動必許心願禱祈但無多破費尋常數兩肉或一隻小雞即可致敬其墓在城西演武廳後巨塚隆隆然大於尋常十倍相傳當時運柩至此天忽陰暗雷雨交作人皆星散翌晨趨視新塚成矣節屆清明輒多附近男婦薦雞豚焉札標之紙紅黃白綠頗壯觀瞻

西里鄉上善上村有上下二塗水淨沙明相傳上塗旁昔有榕樹二株大可數圍高插雲際有時樹葉飛落塗中個人注視鵠類魚兒不知者網撈視之則仍榕樹葉也歷多年所皆然迨清咸豐間猺匪作亂擾及該村會見塗中魚兒游泳自如登即捕之獲後見係榕葉大憤乃將該榕樹砍倒其後猺亂雖平當地人屢謀續種榕樹於該塗旁無奈均不成活又塗中有鰕婦人產後乏乳往取該鰕煮粥服之至多不過三次乳汁自然源源而來此事不獨疇昔爲然迄今尙有效驗

按——民廿一年九月間西里內岬村某氏產後無乳聞有此異急取該塗產鰕煮粥服之後乳汁果最富

相傳邑有蠱毒謂蠱爲一種最祕密之惡毒人莫知其端倪養蠱者能以蠱毒彈於入畜身上人畜中蠱斃則養蠱之人能自致富之多寡以損害人畜之多寡爲衡養蠱之家其家並無蛛網類多醃豬牛等肉以供蠱食聞蠱畏陽虫人若佩陽虫在身則蠱不能爲害若帶陽虫入養蠱者之家其蠱必現形又傳一種大黑色辣毛虫亦爲蠱虫所畏人若用大黑色辣毛虫潛塗諸養蠱者之門其蠱即不能放出害人反自害其家人此種蠱毒亦可買賣譬養

蠱者致富之後不欲營此業將蠱出賣即將其平日養蠱之醃肉一罈白蠶若干並彩紅各物夤夜運置大路上覆以錦被行路人見之即知爲賣蠱者欲養蠱者接收之即代賣者營此業但此次接收所獲白蠶若干將來再欲賣出時必倍其數以轉賣但此事究屬一種傳說尙無事實可證

光緒三十年十月初六七八等日有歐四徐大匪股圍攻縣城對河沿岸高坡悉被匪股佔據其時守城軍隊約二三千人無敢下河挑水以致西南門內外一帶頓鬧水荒軍民惶惑後有獻議者謂西門外下街盛和興屋背有一塘水極澄清可供飲食如是羣爭挑取始免爲水所困卒能保全危城未始非此塘水之賜也事後知縣譚鄴華勒有神井一碑於其上神井遂由此得名近年該塘遇冬如非水涸即污濁不能飲食亦奇事也

災異

清咸豐四年六七月間縣境突來大羣蝗虫飛時蔽天下落則滿田滿野禾苗草葉嚙食立盡農人用紅旗鑼鼓驅蝗此驅彼來蝗患終無少減會有遺小孩路側竟爲蝗齧斃者歲大

荒爲空前未有之奇災

清光緒乙未年自二月至五月無雨田土乾燥不得插秧無有收穫富時平時米價每斤僅十五六文是年增至五十餘文驟加三倍爲米價之最昂貴者其時人樂年豐日久突然遇此荒旱生活未免恐慌有剝樹皮掘草根以充飢者亦爲清末災旱之一也

光緒王寅年夏秋之間霍亂病到處流行得此病者嘔瀉抽筋遲則經宿速則頃刻斃命每村死人數十或百餘乃至全家死盡絕滅火煙者各村多有是時雖夏日而氣候陰涼天色暈暗烟瘴騰空冤鬼盡哭亦屬變異之劫運也

宣統辛亥年夏季六月大雨連日淋漓如注河水暴漲環江洪濤洶涌湮及西墟閘脚屋宇傾倒沿河近岸各村房屋被沖壞者不可勝數實爲歷來未見之水災是年秋革命軍起於武昌清祚告終或者國運遷移天乃先作此變以爲之兆歟

民國五年五月間大雨連日環江水漲亦猛西墟尾之閘門並被湮及房屋傾頽沿河上下游河岸畝地田畝菜園被災甚鉅惟未如辛亥年間之甚

民國十三年三月夜間風雨雷雹大作拔木毀屋雹顆之大如橙如柚野禽被擊死者不一

而足其尤奇者大溪八附近之岬霞山脚村有一婦人偕二小孩併處一屋是夜同被風雨沖擊漂散原居蕩爲平地母子三人不知去向次日鄰里人多方搜查亦無蹤影後見一人頭在山脚溪中石間并見一破衣掛在野樹之上乃知該母子亦被風力捲去飛散空際而轉落於滔滔溪流之中以殞命焉亦僅見之奇災也

民國十四年五六月內滇軍及沈韓部隊潰散開抵邑境追軍隨至共兵數萬雲集我邑耗費米糧極多米價大貴每銀壹元買白米四五斤人民飢餓益甚

民十七年由春至夏全縣牛瘟大行死牛無算時適春耕之時農家多有用人拖犁以代牛者

民十九年秋冬間痘症流行民間小孩染痘死亡者甚多當痘災發現時有欲籍種痘以求免者然天災已成反因此爲導線而暴發卒不可救實爲小孩之一度浩劫也

邑境向鮮虎患間有大虎入境恆爲獵人捕獲然亦止聞傷牛馬豕羊罕聞有傷人者詎民國十九年忽然虎患大作往往白晝主畝地噬人夜間跳入人家咬人以去迄今歷時三年

約害人三百以外被害者大概婦人佔多數而人之努力捕虎者亦頗有奇技而獲之後區地方有屠者行山路中忽見有虎前來屠計無所避乃隱石壁待之手執其常用殺豕利刀以自衛已而虎至突前撲之屠執刀力刺虎之腹部刀沒刃虎驚逸去不數里而斃爲該村人所得村人知爲屠所殺也分肉數斤與之屠雖受微傷固無恙見虎肉笑曰汝將食吾之肉吾今且食汝之肉矣遂將虎肉炒熟大嚼之過數日竟發虎癩旬餘而亡

有右區鋸木匠二人一老一少欲往潭村作工詎行至該村之對河日已暮無從喚渡二人不已遂偕上一高坡暫歇時虎患甚烈心頗戒嚴然謂吾暫住此未必虎即踵至然亦各執其斧以爲備已而老者鼾睡少者惺惺未寐虎突至即擒老者少者奮起斧力劈虎背虎驚躍去丈餘眈眈回顧少者輪舞其斧大聲喊叫虎始徐徐而去

城廂内外人烟稠密近年亦有虎患往往夜中有虎跳人城內及西墟閘內南街閘內入人欄下銜百斤外之豕以去街上行人夜頗戒懼

疊石村覃某以拳術鳴住房破壁未修夜有虎突至衝入室銜之以去某驚醒知已入虎口以雙手捫虎喉力扼之虎氣塞口開棄某而去某得脫歸負重傷醫越月始愈洵虎口餘

生也

角樂村有渡船伏於河岸構茅屋以居夜半聞戶外如人走狀疑爲偷兒起窺之虎突門入船伏駭極滾人床下虎直撲麻上咬棉被以去渡伏急取大草把燃火奔回村中次早至渡口得其棉被蓋虎見火光則驚畏而棄之也

清光緒中年七月大嶺下村韋氏女數人出郊檢捻子俄一女被扁頭風蛇咬傷脚部病叫倒地蛇絞益緊各女大懼急回報告請救其家人到時其女已歿惟蛇尙盤屍側遂擊斃之聞蛇重不過數斤竟能立即死人蛇之毒可畏哉

陳雙村李氏子年方舞勺父母甚愛之延師課讀在家忽一夜二更許有一條白花蛇重不過數兩蜿蜒其床下李氏子執小刀斫之斷成兩段蛇頭顛翻李氏子欲再斫突被蛇咬着小指痛不可當尋毒攻心李氏子終於不救

下冊刊誤更正表

六	六	六	六	六	六	六	五	五	五	編
一六	一五	一二	一二	五	三	一	五	四	二	頁
前	後	前	前	後	後	前	前	前	前	面
六	六	二	一〇	六	四	一	一	一二	八	行
八	二五	七	一一	二	一四		一	六	三、四	字
改以字	疆	歲貢恩	恩	建	茸	官職	折	力	坤維	誤
改以字行	疆	恩貢	刪	廷	茸	職官	拆	刪	維坤	正

思恩縣志

下冊

正誤表

一

七	七	七	七	七	七	七	六	六	六	六	六	六
一一	九	六	五	五	五	三	二二	二二	二二	二二	二一	一六
前	前	後	後	前	前	後	後	後	後	後	前	後
八	一二	五	七	七	一	一〇	八	八	三	一三	一〇	一
二	一一	四	一一	六	二三	九	七	三〇	四	六	一及三	六
鐘	萊	飛	烽	探	網	狐	張之東	了	甘	天	義城倚雲	丙
鍾	萊	刪	鋒	探	網	孤	張東之	可	艱	矢	壽域綺雲	雨

